



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Origines Benedictinae, Siue Illvstrivm Coenobiorvm Ord.  
S. Benedicti, Nigrorvm Monachorvm, Per Italiam,  
Hispaniam, Galliam, Germaniam, Poloniam, Belgium,  
Britanniam, aliasque Prouincias. Exordia Ac ...**

**Le Mire, Aubert**

**Coloniae Agrippinae, 1614**

Capvt I. Cassinense Sev Casinense monasterium, à S. Benedicto  
fundatum, in monte Caßino, apud Beneuentum in Italia.

**urn:nbn:de:hbz:466:1-11261**

I

ORIGINES  
BENEDICTINÆ  
CAPVT I.

CASSINENSE SEV CASINENSE  
*monasterium, à S. Benedicto fundatum, in  
monte Cassino, apud Beneuentum in Italia.*

**S**BENEDICTVS Nursiæ nobiligenere ortus, Romæ liberalibus disciplinis eruditus, vt totum se IESV CHRISTO daret, ad eum locum, qui *Sublacus* dicitur, in altissimam speluncam penetrauit: in qua sic per triennium delituit, vt vnus id sciret *Romanus* Monachus, quo ad vitæ necessitatem ministro utebatur. Dum igitur ei quodam die ardentes ad libidinem faces à diabolo subijcerentur, se in vepribus tam diu volutauit, dum lacerato corpore, voluptatis sensus dolore opprimeretur. Sed iam erumpente ex illis latebris famâ eius sanctitatis, quidam monachi se illi instituendos tradiderunt; quorum viuendi licentia cum eius obiurgationes ferre non posset, venenum in potione dare constituunt. Verum poculum ei præbentibus, Crucis signo vas confregit, ac relicto monasterio in solitudinem se recepit. Sed cum multi eum quotidie di-

A

sci-

discipuli conuenirent, duodecim monasteria ædificauit, eaque sanctissimis legibus communiuit. Postea Cassinum migravit, vbi simulacrum Apollinis, qui adhuc ibi colebatur, comminuit, aram euertit, & lucos succendit: ibique Sancti Martini sacellum, & Sancti Ioannis ædiculam extruxit: oppidanos autem & incolas Christianis præceptis imbuuit, Quare augebatur in dies magis diuina gratia *Benedictus*, vt etiam prophético spiritu ventura prædiceret. Quod vbi accepit *Totila* Gothorum Rex, exploraturus an re ita esset, spatharium suum regio ornatu & comitatu, præmittit, qui se Regem simularet. Quem vt ille vidit, *Depone inquit, fili, depone quod geris; nam tuum non est.* Totilæ verò prædixit aduentum eius in urbem, maris transmissionem, & post nouem annos mortem.

Qui aliquot mensibus antequam è vita migraret, præmonuit discipulos quæ die esset moriturus: ac sepulchrum, in quo suum corpus condi vellet, sex diebus antequam eo inferretur, aperiri iussit: sextoque die deferri voluit in Ecclesiam: vbi sumpta Eucharistia, sublatis in cælum oculis orans, inter manus discipulorum efflauit animam: quam duo monachi euntem in cælum viderunt pallio ornatum pretiosissimo, circum eam fulgentibus lampadibus, & clarissima & grauissima specie virum stantem supra caput ipsius dicentem audierunt: *Hac est via, qua dilectus Domini Benedictus in cælum ascendit.*

Obijt

Obijt autem S. Benedictus anno Christi  
 543. iuxta Leonem Ostiensem, aut circiter.  
 542. Ceterum Cassinense monasterium, haud  
 longè à Beneuento situm, anno 528. S. Benedi-  
 ctus construxit, neque possessionum solùm  
 multitudine ornatum, sed etiam S. *Scholasticae*  
 sororis suæ corpore & suomet ibi sepulto  
 venerandum reliquit: vt tradit Sigonius lib.  
 1. de Regno Italiae. Catalogus Abbatum Cas-  
 sinensium, eorumque res gestæ exstant apud  
 Arnoldum Vvionum lib. 1. Ligni vitæ. Cassi-  
 nenses hodie Abbates non perpetui, sed tan-  
 tummodo quinquennales sunt: ex quo nimi-  
 rum hoc monasterium est reformatum per  
 Iulium II. Papam, & aggregatum Congrega-  
 tioni S. Iustinae de Padua quæ nunc Cassinen-  
 sis dicitur. Vide infra cap. 92.

543.

528.

Ceterum pars reliquiarum S. Benedicti ad-  
 seruatur in Floriacensi monasterio, in diæcesi  
 Aurelianensi; vt & pars reliquiarum S. Scho-  
 lasticæ, in vrbe Cenomanensi, in monasterio  
 olim monialium, nunc collegiata Canonico-  
 rum basilica, titulo S. Petri.

Ioannes Trithemius, qui inter alia scripsit  
 librum de Viris illustribus ac scriptoribus  
 Ordinis S. Benedicti, inter alia refert quindecim  
 amplius millia Abbatiarum huius Ordinis  
 fuisse numerata. Addunt insuper nume-  
 rari Sanctorum, vt vocant, canonizatorum  
 quindecim millia, quingentos & quinquaginta  
 nouem.